

15372

№ 4 ԳՐԱԳՐԱՆ „ՊԱՅՋՈՐ“ Ի № 4

ՈՐՆ Է ԻՍԿԱԿԱՆ
ՆԵՐԿԱՅԱՑՈՒՑՉՈՒԹԻՒՆԸ

Կազմեց Յ. Ս.

ԵՐԿՐՈՐԴ ՏՊԱԳՐ.

1907

ԳԻՆՆ Է 2 ԿՈՊ.

321

Ո-61

6 JUL 2013

26 SEP 20

№ 4 ԳՐԱԳԵՐԱՆ „ՊԵՏԵՐԻԱՆՔ“ № 4

321
n-61

u y

195

ՈՐԵ Է ԻՍԿԱԿԱՆ

ՆԵՐԿԱՅԱՑՈՒՑՉՈՒԹԻՒՆԸ

38944

Կազմեց Յ. Ս.

ԵՐԿՐՈՐԻ ՏՊԱԳՐՈՒԹԻՒՆ

Թ Ի Յ Լ Ի Ձ

ՏՊԱՐԱՆ ՕՐ. Ն. ԱՂԱՆԵԱՆԻ,
ՊՕԼԻՑԵՅՍԿԱՅԱ, 7.

Электропеч. Н. Аганянцъ,
Полицейская, 7.

1907

(19)

13 372

Ո՞ՐՆ Է ԻՍԿԱԿԱՆ ՆԵՐԿԱՅԱ-
ՅՈՒՅՉՈՒԹԻԻՆՆՐ

Շուտով պէտք է տեղի ունենայ երկրորդ Պե-
տական Դումայի բացումը: Կառավարութիւնն
«ուզում է կատարել» իր խոստումները, որ
տւել է Բարձրագոյն մանիֆեստով:

Ուրեմն նոր ընտրութիւններ, նորից ժո-
ղովրդական ներկայացուցչական կառավար-
ութիւն:

Բայց կան արդեօք կառավարութեան այդ-
պիսի ձևեր, և ճիշտ չափով մենք պէտք է մաս-
նակցութիւն ունենանք ընդհանրապէս պետա-
կան գործերում, որ երկիրը համարւի զուտ
ժողովրդական—դեմոկրատական, ահա թէ ինչի
հետ աւելորդ չէր լինի ծանօթանալ մեզ
իբրև իսկական քաղաքացիներ:

Ինչպէս յայտնի է, ամեն մի պետութիւն
կարիք ունի կառավարութեան: Իսկ կառա-
վարութեան գլխաւոր դերը կայանում է
նրանում, որ հրատարակէ օրէնքներ, կարե-
ւոր դէպքում փոփոխէ նրանց, հսկէ օրէնք-
ների անշեղ կատարման վրայ և, վերջա-
պէս, ունենայ հոգացողութիւն երկրի ապա-
հովութեան մասին:

Այդպիսով կառավարութեան զանազան
եղանակներ են առաջ եկել հին ժամանակ-
ներից: Այդ ձևերը մեծ նշանակութիւն և
կապ են ունեցել ազգաբնակչութեան տնտե-

սական, կուլտուրական զարգացման հետ: Մարդու արդիւնաբերական և աշխատող գործունէութիւնը միշտ առիթ է սուել շեղելու կառավարչական ձևերից և դիմելու այս կամ այն եղանակին:

Շատ անգամ յաջողել է մէկին կամ միւսին մանաւանդ ոյժի միջոցով դառնալ երկրի տէրը և իրան հրատարակել միապետ: Դրանից յետոյ այդպիսին անտես է արել ժողովրդի իրաւունքը և իր սրտի ուզածն է խաղացել երկրի գլխին: Եւ որպէսզի իր արածները քողարկւի, նա սովորաբար ասել է՝ թէ ինքը նշանակած է Աստուծանից և Նրանից էլ ընտրւած. օրինակ՝ Լիւդովիկոս XIV-ը ասում էր՝ «Պետութիւնը ես եմ»:

Մենք կանգ չենք առնիլ միապետ բռնակալներ խաղերի վրայ, այդ մեր նպատակից դուրս է. կասենք միայն, որ հին ժամանակներից ազգաբնակութիւնն ինքն է կառավարել իր գործերը, բայց ժամանակի ընթացքում գնալով առաջ է եկել կառավարութեան մի ուրիշ ձև. երկիրը կառավարել է ոչ թէ ինքը ազգաբնակութիւնն ամբողջապէս, այլ այդ գործը նա յանձնել է իր միջից ընտրւած մարդկանց: Այդ ձևն է, որ կոչւում է ներկայացուցիչների կառավարութիւն: Այդ առաջ եկաւ այն պատճառով, որ պետութիւնը մեծանալով և ընդարձակելով տեղ և հնար չէր լինում միասին ժողովելու:

Ներկայումս չկայ մի պետութիւն, որ կառավարւի բոլոր ազգաբնակչութեան անմիջական մասնակցութիւնով, բացի Շվեյցարական 4 կանտոնից (նահանգ): Այդ կանտոններն էլ այն պատճառով են կարողա-

նում այդ ձևով կառավարւել, որ շատ փոքր տարածութիւն են բռնում. մինչդեռ նոյն պետութեան միւս 18 կանտոնը կառավարւում են ժողովրդական ներկայացուցչութիւնով:

Ժողովրդական ներկայացուցչութիւնը սակայն առաջ եկաւ երկար տարիների կռիւներից յետոյ: Ազգաբնակութիւնն ստիպւած է եղել կռիւ մղել և ոյժի գորութեամբ միայն միահեծան թագաւորների իրաւունքները խզել, կրճատել, սահմանափակել: Այդ պատճառով էլ կառավարութեան այդ ձևը կոչւում է «սահմանադրական»:

Ներկայացուցչական կառավարութեան ժամանակ իւրաքանչիւր քաղաքացի պիտի մասնակցութիւն ունենայ թէ պետական բոլոր խնդիրներում և թէ տեղական հասարակական գործերում:

Ներկայացուցչական կառավարութեան կերպերը ամեն տեղ նոյնը չեն: Որտեղ ժողովուրդն աւելի ուժգին թափով է կռիւ մղել, այնտեղ նա աւելի ու աւելի մեծ իրաւունքներ է ձեռք բերել և՛ ընդհակառակը:

Պատմական պատահարների կամ ժողովրդի մէջ տիրող որոշ հայեցակէտի շնորհիւ առաջ են եկած զանազան սահմանափակումներ կամ կերպեր այդ ձևի կառավարութեան մէջ:

Կառավարութեան դեկը, այսինքն օրէնքների հրատարակելը և կառավարութեան վրայ հսկողութիւն—կօնորօլ ունենալը պէտք է գտնւի ժողովրդից ընտրւած մարդկանց ձեռքում: Այդ ընտրւածները կոչւում են

ժողովրդի ներկայացուցիչներ, կամ պատգամաւորներ:

Նայելով այն հանգամանքին, թէ որչափով և որպիսի իրաւունքներով են մասնակցում պատգամաւորները օրէնսդրական բաժնում և բարձրագոյն կօնսորում, որոշում է ժողովրդական կառավարութեան երկու ձև. առաջինը՝ սահմանադրական թագաւորութիւն, իսկ երկրորդը՝ ներկայացուցչական դեմոկրատիա:

Ժողովրդական ներկայացուցչական դեմոկրատիա կոչւած ձևի տակ պետութեան գլուխը, ինչ տիտղոս էլ որ ունենայ, ոչ այլ ինչ է, եթէ ոչ կատարող այն որոշած օրէնքները, որոնց մշակել է երկրի ժողովուրդը իր ներկայացուցիչների ձեռքով: Պարզենք մեր խօսքը. ներկայացուցիչները ժողովուրդ են և սահմանում այս ինչ օրէնքը, երկրի պետը պէտք է չփոփոխէ այդ որոշումները, այլ միմիայն կատարէ նրանց:

Մինչդեռ սահմանադրական թագաւորութեան մէջ պետութեան գլուխն ունի նոյն իրաւունքը, ինչ որ ժողովրդի ներկայացուցիչները, իսկ մի քանի պետութիւններում երկրի իշխողին է պատկանում մինչև անգամ եթէ ոչ իրական, բայց գոնէ իրաւաբանական աւելի մեծ իրաւունքներ:

Այդ բացատրում է նրանով, որ կռիւլ այդպիսի երկրում աւելի թոյլ կերպով է արտայայտել, քան ժողովրդական դեմոկրատիա կոչւած պետութիւններում: Սակայն թէ այս և թէ այն կառավարչական ձևերի մէջ գլխաւոր կէտը կազմում է այն, որ ժողովրդի ձեռքին է գտնւում պետական

բիւջէի քննութիւնը: Ժողովուրդը, մերժելով կառավարութեան տալ նիւթական միջոցներ, դրանով կարողանում է ազատել իր գլուխը կառավարութեան այս կամ այն ոչ-ցանկալի առաջարկութիւններից: Այդ հիմունքը կազմում է ներկայացուցչական կառավարութեան հոգին ու շունչը: Առանց այդ իրաւունքի սահմանադրական կառավարութիւնը հաւասարում է զեռօր: Պարզենք օրինակով. պետութիւնն առաջարկում է ժողովրդի քննութեան իր կազմած բիւջէն, ելքի ու մուտքի պատկերը, որով դիցուք, պահանջում է 20 միլիօն ուրբի պատերազմական նպատակի համար: Ներկայացուցիչները գտնում են, որ ներկայ ժամանակներում աւելի կարևոր է այդ գումարը յատկացնել ուսման գործին, իսկ պատերազմականի համար՝ ոչ մի կոպէկ, և այդ դրութիւնից դուրս գալու համար ժողովուրդը կտրուկ միջոց ունի. չի հաստատում պետութեան պահանջածը և դրանով թողնում է անկատար իր համար ոչ-ցանկալի ծախսը:

Առհասարակ ժողովրդական ներկայացուցչութեան մէջ պէտք է լաւ որոշել, թէ որչափով ներկայացուցիչներն ազատ են իրանց գործունէութեան մէջ:

Այդպիսով եթէ կառավարութեան գլուխն անհնաժող է ժառանգական իրաւունքներով մի թագաւոր, բայց և այնպէս ժողովրդական ներկայացուցիչների ձեռքումն են կառավարութեան բոլոր գործերը, այն ժամանակ էլ այդ երկրը կարելի կը լինի համարել ներկայացուցչական կառավարութիւն. և ընդհանրապէս՝ եթէ նոյնիսկ ունենայ նա-

խարար (պրեզիդենտ) ժողովրդից ընտրւած, բայց այնպիսի իրաւունքով, որ ամեն բոլէ կարողանայ արձակել պալատը և հրաւիրել նորից իր սիրտն ուզած ժամանակ, այդպիսի հանրապետութիւնը էապէս կը լինի սահմանադրական թագաւորութիւն:

Այն աւտերը (վաւերացրած օրէնքները), որոնք պարզ ու որոշ կերպով ընդգծում են իշխողի իրաւունքները և ժողովրդականներկայացուցիչների մասնակցութեան սահմանը — կոչւում են «սահմանադրութիւն» կամ եւրոպական բառով՝ Կոնստիտուցիա:

Եւրոպական մի քանի սահմանադրութիւնների զօրութեամբ ընտրելու իրաւունքից զրկւած են շատ շատերը (այսպէս կոչւած ակտիվ ընտրական իրաւունքից), իսկ աւելի քիչ քաղաքացիներ իրաւունք ունին պատգամաւոր ընտրելու (պասիվ ընտրական իրաւունք): Ընտրական իրաւունքից շատ անգամ աշխատում են զրկել այս կամ այն խաւերին: Յայտնի է, որ մեր սօցիալական և տնտեսական պայմանները առաջ են բերել մարդկանց մէջ հոգատէրեր, երկրագործներ, գործառատէրեր և բանւորներ: Մրանցից մի քանիսը հասկանալի է որ հարուստ են, իսկ աւելի սոււար մասը՝ չքաւոր: Այդ սօցիալական տարբերութեան վրայ հիմնւում է ցէնզային կոչւած ներկայացուցչութիւնը: Այստեղ թէ՛ ընտրելու և թէ՛ ընտրւելու համար սահմանւում է այսպիսի ձև՝ ընտրութիւններին մասնակցելու իրաւունք է ստանում նա, ով տալիս է որոշ հարկ կամ յայտնի կալածք ունի: Սովորաբար այդ չափը — ցէնզը աշխատում

են բարձր նշանակել, որպէսզի աղքատները, չքաւորները ձայնի իրաւունք չունենան: Այդպիսի ընտրական սկզբունք է ընդունւած Անգլիայում, Բէլգիայում, Աւստրիայում, Վենգրիայում, Պրուսիայում և ուրիշ տեղերում:

Օրինակ՝ Անգլիայում ընտրական իրաւունք են ստանում այն քաղաքացիները, որոնք 10 ֆունտ ստերլինգ (մօտ 100 ռ.) տարեկան բնակարանի վարձ են տալիս: Կան պետութիւններ, որտեղ ցէնզային պայմաններն աւելի ծանր են: Ռուսաստանում ևս զեմստվոյական, քաղաքային վարչութիւնների, նաև Պետական Դումայի ընտրական հիմունքները ցէնզային են: Մի խօսքով ցէնզային սկզբունքը ներկայումս ամենատարածւած կերպն է: Ինչ ասել կուզէ, որ այդ զօրեղ միջոցներից մէկն է, որ գործ է դրւում բանւորների, չքաւոր գիւղացիների և չունևոր ինտելիգենցիայի դէմ, որպէսզի այդպիսի արհեստական արգելքներով դրանց հեռու պահեն օրէնսդրական խորհրդարաններից: Սահմանափակումներ են մտցնում նաև տարիքի մէջ, մասնակցելու իրաւունք տրւում է ոչ թէ 20 տարեկանից, այլ 25-ից, իսկ ընտրւելու՝ նոյնիսկ 30-ից: Այդպիսով դուրս են մնում ընտրական ցուցակից մի քանի միլիօն հասուն ձայնաւորներ: Մինչդեռ անպայման ցանկալի է, որ իրաւունք տրւի 20 տարեկանից բոլոր չափահասներին, առանց սեռի և դասակարգերի խտրութեան: Այդպիսի ձայնաւորութեան եղանակը կոչւում է ընդհանուր:

Երկրորդ տեսակի սահմանափակումն էլ կայանում է հետեւեալում.

Յայտնի օր հաւաքուում են ընտրական ձայնի իրաւունք ունեցողները և ընտրուում են իրանց միջից ոչ թէ պատգամաւոր ուղղակի այն մարդուն, որ պիտի գնայ պարլամենտ, այլ ընտրուում են դեռ լիազօրներ, այսինքն անհատներ, որոնք չունին իրաւունք գնալու պարլամենտ, այլ պիտի իրանց միջից ընտրեն մի քանիսին, և այդ վերջինները միայն գնան:

Այդպիսի ընտրական սկզբունքը համարուում է անուղղակի, կամ երկաստիճան: Պատահում է որ երկաստիճանի տեղ լինում է եռաստիճան կամ նոյնիսկ քառաստիճան: Մեր Պետական Դումայում քաղաքների վերաբերմամբ երկաստիճան, իսկ գիւղերի՝ եռաստիճան սիստեմ է սահմանաձ: Այդ ձևը շատ անախորժութիւնների է տեղիք տալիս: Անուղղակի ընտրութիւնների ժամանակ աւելի հեշտ է աջողեցնել ընտրութիւնը այնպիսի մարդկանց, որոնք թշնամի են ժողովրդի շահերին. մինչդեռ ուղղակի ընտրութեան ժամանակ թէ այդ և թէ դրա նրման խարդախութիւններ ու դէպքեր չեն կարող տեղի ունենալ: Պէտք է հաւաքածները ուղղակի ընտրեն պատգամաւոր: Այդ տեսակ ընտրութեան եղանակը կոչուում է ուղղակի:

Երկրորդ այն ձևն է, որ ընտրութիւնները անպայման պիտի լինին գաղտնի: Սակայն կան ասողներ, որ ընտրութիւնները կարելի է անել բացարձակ. պէտք է ունենալ քաղաքացիական քաջութիւն և չքաշուել ձայն տալուց բացարձակօրէն այս կամ այն անձնաւորութեան: Սակայն կեանքի

փորձը այլ բան է ասում. հեշտ չէ մի քաղաքացու կառավարութեան դէմ կամ մի բանւորի ու գործակատարի համար իր տիրոջը սև քւէ գցել. նա անպայման կը տուժի: Ահա այդ անախորժութիւններին տեղիք չտալու համար ընտրութիւնները պիտի կատարւեն՝ գաղտնի:

Բացի դրանից, ամեն մի մարդ՝ ինչ դիրքի տէր էլ որ լինի, պիտի ունենայ ձայնի այնքան իրաւունք, որքան և միւսը՝ դիցուք չքաւորը: Տարաբաղդաբար ամեն տեղ այդպէս չէ: Օրինակ՝ Անգլիայում իւրաքանչիւր կալաժատէր ձայնի իրաւունք ունի, և եթէ այդ մարդը կալաժք կամ տուն ունի մի քանի տեղ, նա տալիս է մի քանի ձայն: Մինչդեռ պէտք է այնպէս անել որ ամեն մի մարդ ունենայ մի ձայն: Այդ չորրորդ ձևը կոչուում է հաւասար ընտրական սկզբունք:

Այդպիսով ուրեմն ժողովրդական շահերի համար անպայման պէտք է պահանջել ընդհանուր, ուղղակի, գաղտնի և հաւասար ընտրութեան եղանակ: Միւս բոլոր եղանակները բաւարար պիտի չհամարւեն: Այդ ձևն է, որ մի խօսքով շատ անգամ ասուում է՝ ընտրական իրաւունքի քառանգամ ֆօրմուլա:

Ընդհանուր, ուղղակի, գաղտնի և հաւասար ձայնաւորութեան իրաւունք ներկայումս գոյութիւն ունի շատ տեղ, օրինակ՝ Գերմանիայում, Ֆրանսիայում, Միացեալ Նահանգներում, Լայքն: Միայն այդ տեղերում կանայք չեն մասնակցում: Կանայք ձայնի իրաւունք ունեն չիւսիսային Ամերիկայի մի քանի նահանգներում, Նոր-Զելանդիայում և Աւստրալիայում:

Սակայն եթէ մենք ցանկանանք, որ ժո-

ղովըղի կամքն ու ցանկութիւնը աւելի ճշտօրէն արտայայտւեն, պէտք է ընդունենք նաև մի այլ սկզբունք, այն է՝ պրօպօրցիօնալ ընտրական եղանակը:

Օրինակ՝

Երբ մի երկրում կան մի քանի մեծ կուսակցութիւններ, լաւ է ընդունել վերև յիշած եղանակը: Ենթադրենք, թէ մի որևէ շրջանում կան մէկ միլիօն ընտրողներ. ասենք զրանցից վեց հարիւր հազարը պատկանում է մի կուսակցութեան, երեք հարիւր հազարը երկրորդ և հարիւր հազարը երրորդ: Ընդունենք օրինակի համար՝ որ հարիւր հազար հոգին պիտի տայ մի ներկայացուցիչ. ուրեմն յիշեալ շրջանը պիտի ուղարկէ տասը պատգամաւոր: Եթէ ընտրութիւնների արդիւնքն ընդունւի սովորական ձայների մեծամասնութեան սկզբունքով, հասկանալի է որ այդ շրջանի թեկնածուն կը լինի մի կուսակցութեան մարդ, որովհետև միլիօնից վեց հարիւր հազարը զրա կողմնակից է, մինչդեռ միւս կուսակցութիւնները բոլորովին կը զրկւեն իրանց ներկայացուցիչներից:

Իսկ այդ բաւական չէ որ անարդարացի է, այլև դեռ չի արտայայտում ճշտօրէն երկրի տրամադրութիւնը: Սակայն կարելի էր ընտրութիւնները դասաւորել այնպէս, որ իւրաքանչիւր կուսակցութիւն ունենայ իր պատգամաւորը: Եթէ հարիւր հազարը տալիս է մի ներկայացուցիչ, այն ժամանակ վերև յիշած վեց հարիւր հազար անգամ ունեցող կուսակցութիւնը պիտի տայ վեց պատգա-

մաւոր, երեք հարիւր հազարը՝ երեք և հարիւր հազարը՝ մէկ: Այդպէս դասաւորելով, նոյն շրջանը տալիս է դարձեալ նոյն տասը մարդը, սակայն այն առաւելութեամբ, որ ամեն մի կուսակցութիւն ունենում է իր թեկնածուն՝ համապատասխան ի հարկէ իր անգամների թւին:

Ընտրութիւնները միայն այդ եղանակով կատարելով կարող ենք երկրի ձայնը ճշտօրէն պարզել: Մինչդեռ նախկին սովորական եղանակը (կամ ինչպէս ասում են մաթօրիատար սկզբունքը) զուրկ է այդ առաւելութիւնից:

Պարզելով այդ ձևերը, պէտք է ասենք, որ կան նաև կառավարչական խառն ձևեր: Դրա առանձնայատկութիւնը կայանում է նրանում, որ մի քանի պետութիւններում, բացի ժողովրդական խորհրդարաններից, կան նաև երկրորդ խորհրդարաններ: Իւրաքանչիւր վճիռ կամ որոշումն օրէնքի ոյժ է ստանում այն ժամանակ, երբ երկու խորհրդարանումն էլ հաւանութիւն է գտնում:

Օրէնսդրական այդ ձևը կոչւում է երկպալատեան եղանակ:

Երկրորդ կամ վերին պալատը սահմանւած է նոյնպէս ժողովրդի իրաւունքները սահմանափակելու համար:

Երկպալատեան եղանակի մէջ պէտք է զանազանել երկու ձև. մէկը կենդրոնական, իսկ միւսը՝ ֆեդերատիվ:

Անգլիայում, օրինակ՝ վերին պալատը մի արխիստօկրատական ներկայացուցչութիւն է: Այստեղ մասնակցողները իրանց տեղերն ստանում են ժառանգաբար իրանց պապե-

րից: Մասնակցում են լօրդերը, թագաւորական տոհմին պատկանողները, յայտնի ազնականները և եպիսկոպոսները: Բոլոր լօրդերը իրանց տեղերը ժառանգաբար տալիս են իրանց մեծ որդիներին: Այդ խորհրդաւորանք նոյնիսկ անուշով ուզում է զանազանել հասարակ ժողովրդի խորհրդարանից—նա կոչւում է լօրդերի պալատ:

Կան երկիրներ, որտեղ վերին պալատը ընտրական է, բայց չնայելով այդ առաւելութեան, այդ էլ ցանկալի չէ, որովհետեւ վերին պալատի նպատակն է սանձ դնել ժողովրդական պահանջներին: Որտեղ էլ լինեն այդ երկրորդ խորհրդարանները՝ թէ ընտրական և թէ նշանակովի, իրանց ետեւ նրանք ունեն ծածուկ ցէնդ, որ երբէք ցանկալի չէ: Այդպէս օրինակ՝ Ֆրանսիական սենատը թէև ընտրական ձևով է, բայց և այնպիսի եղանակով, որ սենատ մտնում են հարուստները, բուրժուաները:

Բոլորովին ուրիշ սկզբունք ունի երկրպալատեան եղանակը Ֆեդերատիվ տէրութիւններում: Բերենք մի օրինակ՝

Հիւսիսային Ամերիկայում օրէնսդիր հիմնարկութիւնը (կօնգրէս) կազմւած է պատգամաւորների պալատից և սենատից: Թէ պատգամաւորները և թէ սենատի անդամներն ընտրւում են ընդհանուր ձայնաւութեամբ, բայց մի այնպիսի եղանակով, որ նոյնպէս գովելի չէ: Օրինակ՝ իւրաքանչիւր նահանգ ուղարկում է պատգամաւորների պալատ ներկայացուցիչներ իր ազգաբնակչութեան թւի համեմատ, մինչդեռ միևնոյն նահանգը սենատ է ուղարկում մի-

միայն երկու պատգամաւոր: Այդպէս անւում է այն մտքով, որ իբր թէ պետութեան մէջ իւրաքանչիւր նահանգ ունենայ հաւասար ձայն վերին պալատում:

Գուցէ կարելի լինէր հաշուել այդ ձևի հետ, եթէ պետութեան առանձին մասերը տարբերէին միմեանցից՝ թէ իրանց ծաւալով և թէ ազգաբնակչութեան թւով:

Բայց քանի որ նահանգները՝ ինչ ասել կուզէ, ունեն ազգաբնակչութեան տարբեր թիւ, այդ եղանակն էլ չի կարելի արդարացի համարել:

Մեր բիւրօկրատ կառավարութիւնն էլ ընդունում է երկրորդ պալատ: Դա մեղանում կոչւում է Պետական Խորհուրդ. դրա անդամներ թւի կէսը ընտրովի է. բայց ժողովրդի շահերով չհետաքրքրւող զեմստվոյական, քաղաքային և բօրսային կօմիտէտների ներկայացուցիչներ: Պետական Խորհրդի անդամների միւս կէսը նշանակովի է:

Ժողովրդական լայն շահերը պահանջում են, որ լինի մի պալատ: Ներկայումս մի պալատեան եղանակ գոյութիւն ունի, օրինակ՝ Գերմանիայում:

Ուրեմն իսկական ժողովրդական ներկայացուցչութիւնը համարւում է այն ընտրական ձևը, որտեղ ընդունւած է ընդհանուր, ուղղակի, գաղտնի, հաւասար և պրօպօրցիօնալ ձայնաւութեան եղանակ և որտեղ կայ մի պալատեան սիստեմ:

Բոլոր միւս ձևերը ուրեմն չեն համապատասխանում ժողովրդական լայն շա-

հերին: Մեր Պետական Դոման՝ ինչ ասել
կուզէ, շատ հեռու է ժողովրդի շահերի ճիշտ
թարգման հանդիսանալուց, մանաւանդ ա-
ռաջիկայ երկրորդ Դոման: Բիւրօկրատ
կառավարութիւնը՝ վախենալով ժողովրդի
ընդդիմադրական տենչերից, ամեն կերպ
աշխատում է կրճատել, խզել նոյնիսկ այն
սահմանափակ իրաւունքները, որոնք տրւած
էին սոռաշին Դոմայի օրերով:

Ներկայումս խիստ սահմանափակւած են
բանւորների, գիւղացիների իրաւունքները:
Սենատի բռնազբօսիկ բացատրութեան շը-
նորհիւ այդ տարրը գրեթէ բոլորովին դուրս
է ֆուտ ընտրական ցուցակներից: Բացի
գրանից, կառավարութիւնը գործ է դնում
ծայրայեղ խստութիւններ և այդ միջոցով
աշխատում է Դոման լցնել իր ցանկա-
ցած պատգամաւորներով:

Ինչ ասել կուզէ, որ կառավարութիւնն
այդպէս է վարւում՝ աչքի առաջ ունենալով
ժամանակակից տրամադրութիւնների առե-
րկոյթ թուլանալը... Բայց այդ անմխիթար
երկոյթների ետեւ լուում է մի խրախուսա-
կան պահանջ... Դա պրօլետարի պահանջն
է. նա չի թուլացել. նա գալիս է նոր թա-
փով իր խախտած իրաւունքները պահան-
ջելու համար. նա գալիս է ուժեղացնելու
այն կռիւը, որ կողմնակից է ժողովրդա-
կան կատարեալ իրաւունքների. նա գալիս
է պաշտպանելու ՍԱՀՄԱՆԱԴԻՐ ԺՈՂՈՎԻ
պահանջը:

ՀՀ Ազգային գրադարան



NL0189386

ԳՐԱԴԱՐԱՆ „ՊԱՅՔԱՐ“-Ի

ԼՈՅՍ ԵՆ ՏԵՍԵԼ

№ 1. ՈՐՆ Է ԻՍԿԱԿԱՆ

ՆԵՐԿԱՅԱՑՈՒՑԶՈՒԹԻՒՆԸ

Կազմեց Յ. Ս. (Սպառուած)

Գինն է 2 կո

№ 2. ԸՆՏՐՈՒԹԵԱՆ ՕՐԸ

ԳԵՐՄԱՆԻԱՅՈՒՄ

ՏԱՏԵԱՆԱ ԲՕԳԴԱՆՈՎԻԶԻ

Թարգմ. Ա. Պալազատ

Գինն է 5 կո

Ս. Մ Ի Ն Ի Ն

№ 3. ԻՆՉ ԵՆ ՍՈՎՈՐԵՑՆՈՒՄ

ՍՕՑԻԱԼ-ԴԵՄՕԿՐԱՏՆԵՐԸ

Թարգմ. Գ. Վ.

Գինն է 5 կո

№ 4. ՈՐՆ Է ԻՍԿԱԿԱՆ

ՆԵՐԿԱՅԱՑՈՒՑԶՈՒԹԻՒՆԸ

Կազմեց Յ. Ս. (Բ. տպ).

Գինն է 2 կո

ՇՈՒՏՈՎ ԼՈՅՍ ԿԸ ՏԵՍԵՆԵՆ.

Պ. Լ Ա Ֆ Ա Ր Գ

№ 5. ԻՐԱԽՈՒՆՔ ԺՈՒԼԱՆԱԼՈՒ

Ն. Լ Ե Ն Ի Ն

№ 6. ԳԻՒՂԻ ԿԱՐԻՔՆԵՐԸ